



Fakulti Pertanian Lancar Produk 'AJIB' dan 'SATIRI'



Ahmad Lazim bertukar dokumen MoA dengan Prof. Datuk Dr. Nik Mustapha R. Abdullah.

SERDANG, 4 Nov – Universiti Putra Malaysia (UPM) menandatangani memorandum perjanjian (MoA) antara UPM dan Diversatech (M) Sdn. Bhd. bagi pelancaran dua produk penyelidikan Fakulti Pertanian UPM.

Produk penyelidikan tersebut adalah produk Formulasi Baja Penggalak Pembungaan Kelapa Sawit (AJIB) hasil penyelidikan Prof. Madya Dr. Syed Omar Syed Rastan dan Prof. Madya Dr. Ahmad Husni Mohd Hanif.

Satu lagi produk ialah SaTiri iaitu varieti baru rumput 'Turf' untuk padang golf hasil penyelidikan Ketua Bank Agrogene, Fakulti Pertanian, Prof. Madya Dr. Mohd. Said Saad dan Pensyarah Fakulti Pertanian, Prof. Madya Dr. Abdul Shukur Juraimi.

Pelancaran produk dan majlis MoA tersebut telah ditandatangani oleh Naib Canselor UPM, Prof. Datuk Dr. Nik Mustapha R. Abdullah sementara Diversatech Sdn. Bhd diwakili oleh Pengarah Urusannya Ahmad Lazim dan Satiri Sdn Bhd diwakili oleh Pengarah Urusannya Chan Teck Men.

Majlis tersebut telah disaksikan oleh Timbalan Menteri Pengajian Tinggi, Datuk Idris Haron, Pengarah Diversatech (M) Sdn. Bhd., Isfizal Al Atrash Md. Idris, Pengarah Satiri Sdn. Bhd., Law Kok An dan Dekan Fakulti Pertanian, Prof. Dr. Ghizan Saleh.

Dr. Nik Mustapha berkata dalam ucapannya kedua-dua produk tersebut mempunyai potensi yang tinggi di pasaran.

"Saya berharap dengan dua produk baru ini dapat menggandakan usaha secara kolektif dan meningkatkan prestasi serta sumbangan mereka melebihi sasaran yang telah ditetapkan," katanya pada majlis tersebut yang diadakan di Padang Golf, UPM.

Beliau berkata produk Ajib mampu meningkatkan hasil berat tandan segar (BTS) kelapa sawit sehingga 20 peratus.

Dalam majlis itu, Ahmad Lazim telah membayar royalti hasil perlesenan sebanyak RM80,298 kepada UPM bagi produk Zappa dan Vita Grow sebagai bayaran royalti kali ketiga untuk tahun 2008.

Disediakan oleh Seksyen Media Bahagian Komunikasi Korporat UPM.